



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 79. Quomodo Missa aliquando sit per alium complenda.

urn:nbn:de:hbz:466:1-42624

effundere in dictum vas mundum, & cum aliqua aqua retinere partem hostiæ in calice , ac affundere vinum consecrandum.

§. 2. Putant multi cum S. Tho. q. 83. a. 6. ad 545.
4. in eo casu iterum consecrandam esse novam hostiam, incipiendo à verbis , *Qui pridie quam pateretur*, estque consultius , saltem si celebretur privatim, nam cùm species panis sint súptæ, non videntur amplius posse conficere unum Sacramentum cum speciebus vini , quod nondum fuit positum in Altari , nec simul oblatum est. E contrà *Scot. Nav. Suar. Côn. Laym. Dicast. Aversa* q. 11. s. 16. §. Octavò. Tamb. De Commun. c. 2. n. 34. Gob. in Exp. t. 3. à n. 770. Lohn. De Sacrif. p. 2. tit. 35. aliique plures quam 40. gravissimi Authores cum *Pasq. q. 299.* voluntum offerri solum calicem & consecrari , incipiendo à verbis, *Simili modo*, quia Cap. *Pastoralis*, & Cap. *Presbyter* De Sacramentis non iterandis dicunt duo Pontifices in talibus non esse aliquid iterandum, sed cautè supplendum , quod incautè fuerat prætermissum. Quod *Conf.* nam aliter non diceretur compleri Sacrificium inceptum sed aliud integrum de novo ponit. Et utramque sententiam, si in publico celebretur, approbat Rubrica Missalis.

§. 3. Quod attinet ad vinum , aliquantum 546.
acescens, adhiberi potest sine ullo scrupulo , inquit Gob. n. 54. post *Suar.* est enim re ipsâ vinum, & praxis habet, ut etiam à viris probis & doctis adhibeatur, præsertim ruri. Si tamen esset ita acidum, ut prudenter dubitaretur , an esset acetum, tenendum esset, quod dixi n. 535.

Q. 79. *Quomodo Missa aliquando sit per alium complenda.* R. §. 1. Quando celebrans ita infirmatur, 547:
Tom. VI. R

matur, ut pergere nequeat, quamvis Canon sit inceptus, imò & forma primæ consecrationis, si hæc necdum absoluta sit, nihil debet per alium suppleri, quia nulla pars Sacrificii adhuc posita est, *S. Tho. Pasq. q. 324. Aversa q. 11. l. 16. §. Quart.* contra multos alios. Si verò consecravit saltem unam speciem, alius si adsit jejunus, aut in defe-*ctu etiam non jejunus Sacerdos, supplere debet,* ne Sacrificium fine altera consecratione vel sumptione maneat substantialiter incomple-*tum.*

548. *§. 2.* Si celebrans deficiat post sumptionem utriusque speciei, nihil est supplendum, quia expleta est tota substantia Sacrificii. Si deficiat post sumptionem solius Corporis Christi, *Bonac.* putat nihil opus esse suppleri, sed calicem postea posse sumi in alia Missa, quia videtur essentiali-*ter posita substantia Sacrificii: sed alii cum Aver-*versa suprà & *Pasq. q. 325.* melius contradicunt, quia de substantia Sacrificii est etiam ultra-que sumptio.

549. *§. 3.* Omnes, etiam excommunicati & irregulares, si alii desint, tenentur hic supplere, quando possunt sine gravissimo incommodo, quia videtur esse minor irreverentia, quam non compleri Sacrificium, *Pasq. q. 330.* contra *Henriq. Sot. Sa* & alios. Hinc *Tamb. De sacrif. L. 2. c. 8. §. 1. n. 2.* dicit quærendum esse, qui etiam post sex vel septem horas suppletat: E contra *Gob. in Exp. t. 3. nu. 806.* putat non esse diutius quærendum quam per unam circiter horam, & consentit *Pasq. q. 328.*, dicens non longum tempus debere intercessisse, sed requiri unum tempus morale, alioqui censendum non esse unum Sacrificinm. Unde quia *Sa v. Missa. n. 38.* docue-

docuerat etiam sequenti die esse ab alio pergendum, ubi prior desierat, & sic complendum Sacrificium, hoc correxit Magister sacri palatiū rectè volens sequenti die sumi in alia Missa, quod superesset, quia peracta est actio tota hēsternæ Missæ, nec censeretur esse idem Sacrificium: potestque de hoc videri *Henao Parergo* 20.

§. 4. Secundūm *Pasq.* q. 332. obligatur sup- 550:
plerē etiam existens in peccato mortali, de quo
conteri non posset, putat enim minorem esse ir-
reverentiam Sacrificium fieri vel sumi in mor-
tali, quām relinqui imperfectum.

§. 5. Si Episcopus ordinans Sacerdotes de- 551:
ficiat post consecrationem solius panis, nec ha-
beri possit alius Episcopus, secundūm *Amicum*
& *Henao* à n. 1791. posset alius veteranus Sa-
cerdos substitui & præire neo-presbyteris in
consecratione calicis, ne turbentur vel errant. Si
autem Episcopus deficeret post consecratio-
nem utriusque speciei, possent soli neo-presby-
teri pergere, uno illorum postea ad aram su-
mente utramque speciem, *Diana* p. 8. t. 1. R. 44.
Averfa q. 10. f. 2. §. sic ergo: Alius autem Epi-
scopus deberet illis imponere manus pro acci-
pienda potestate absolvendi à peccatis.

§. 6. Si Sacerdos in infirmitatem lapsus 552.
posset sumpto, v. g. iuscule ad vires revocari,
melius esset hoc fieri & ab eo etiam non jejuno
compleri Sacrificium, quām substitui alium
quamvis jejunum; præceptum enim ut sit idem,
qui incipit & perficit, prævalet præcepto jeju-
ni, *Gob.* suprà.

§. 7. Si dubium sit, an prior Sacerdos ali- 553:
quid consecrārit, potest consecrari nova mate-

ria absolutè & prior sub conditione , uti habent
S. Tho. Sot. Silv. Bonac. Dicunt tamen Dicass.
Quarti, Pasq. q. 326. melius esse solam priorem
sub conditione consecrari.

554. §. 8. Convenit , ut Sacerdos supplens se-
cundam consecrationem faciat intentionem
secundum intentionem illius , qui defecit, cùm
enim Sacrificium jam ex parte sit positum ex il-
la intentione , quæ mutari non potest , con-
gruum est, ut ex eadem compleatur. Si tamen
supplens absolutè vellet aliam intentionem, re-
ctè docent Aversa §. Debebit., & Sporer nu. 349.
hujus intentionem prævalituram, quia effectus
non confertur, nisi expletum sit Sacrificium ; &
sicuti si Sacerdos deficiens mutasset intentio-
nem ante consecrationem calicis , posterior in-
tentio prævaluisset, ita etiam prævalet intentio
supplentis.

555. §. 9. Potest dari, attamen non est obligatio
dandi partem hostiæ consecratæ Sacerdoti, qui
defecit. Si tamen deesset alia hostia , & muniri
deberet viatico, danda illi esset pars, Pasq. q.
334.

556. Q. 80. *Quid agendum sit, si vinum vel Sanguis
congeletur, aut ne congeletur.* R. §. 1. Vinum con-
gelatum necessariò debet solvi, priusquam con-
secretur , nam aliqui putant esse materiam du-
biam , uti habet Busenb. relatus p. 1. n. 434.
Solvi autem potest complectendo calicem ma-
nibus, vel lignem, aut calidos pannos appli-
cando.

557. §. 2. Si apud Græcos sacer sanguis congele-
tur, facile solvitur, nam Græci infundunt calici
aquam ferventem immediate ante Commu-
nionem , ut significant cum Sanguine è latere
Christ